

COMMUNICAZIUN A LAS MEDIAS

Giornate Grigionitaliane han lieu per la quarta giada

Cuira, ils 17 d'avust 2024

Quest onn han lieu per la quarta giada ils dis dal Grischun talian Giornate Grigionitaliane. L'occurrenza la pli impurtanta da la Pro Grigioni Italiano è entant gia daventada tradiziun. Suenter ils inscunters reussids en il Puschlav, en il Mesauc ed en la Bregaglia vegn l'event organisà questa giada a Cuira. Il focus vegn mess sin la preschientscha da l'italianità e dal Grischun talian en la chapitala dal chantun per sensibilisar la populaziun per la plurilinguitad grischuna.

La finamira principala dals Giornate Grigionitaliane è la valurisaziun dal Grischun talian e da sia populaziun a chaschun d'in event interessant che sa concentrescha sin l'inscunter ed il barat. Era quest onn duai il program tegnair quint da questa finamira: cun musica, occurrenzas e produziuns tematicas, visitas guidadas e lavuratori duai il public da tut las gruppas da vegliadetgna e cun ils pli differents interess vegnir pledentà.

Numerus puncts dal program dattan la pussaivladad d'emprender d'enconuscher meglier l'ierta culturala dal Grischun talian. Attenziun speziala vegn dada al giubileum 500 onns Stadi liber da las Trais Lias che nus pudain festivar quest onn ed a quai che curra e passa actualmain en il Grischun. Al temp dad oz è era deditgadas duas discussiuns da podium davart la cuntrada mediala en il Grischun talian e davart las activitads da la gruppa parlamentara Italianità.

Plinavant datti occurrenzas concepidas aposta per ils ospes giuvs: ina visita guidada en il Museum d'art per emprender d'enconuscher las artistas ed ils artists che han fatg vegnir enconuschent il Grischun, in teater da marionettas captivant ed in lavuratori per pastizieras e pastiziers pitschens.

Er il final da la concorrenza Pro GRIGiovani in concerto per musicistas e musicists giuvs da la Svizra italoфона e la visita da la Chaplutta da Son Steffan renumada (e da la scola) dasper la scola chantunala Halde pudain nus recumandar da cor.

Ils Giornate Grigionitaliane 2024 van a fin cun la represchentaziun da la saira Ai nostri tempi da l'actur e cabarettist Gioele Dix che vegn spetgada cun tensiun.

PER INFURMAZIUNS

www.pgi.ch/it/ggi2024

info@pgi.ch

L'organisaziun Pro Grigioni Italiano (Pgi) è vegnida fundada il 1918 a Cuira sco uniun. Ses intent è la promoziun da la lingua taliana en il chantun Grischun ed en l'entira Svizra, il rinforzament da l'identitad culturala dal Grischun talian e la represchentanza dals interess da la minoritad italoфона.

Diesch secziuns èn affiliadas a l'uniun, quatter dad ellas ordaifer il chantun Grischun.



Las activitads da la Pgi focuseschan trais champs d'activitad:

- realisar activitads en connex cun la **politica linguistica**;
- organisar **occurrentzas culturalas** ed events publics;
- edir atgnas **publicaziuns**.